



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI
BROJ: 192
DATUM: 5.12.2014.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana 3. godišnja konferencija sistema obuke za JLS u BiH	1
Federalno ministarstvo razvoja objavilo potencijalnu rang listu korisnika grant sheme 'Unapređenje poduzetničkih zona'	2
Potpisan sporazum o saradnji Grada Mostara i danske komune Vejle	2
Kakanj uveo selektivno prikupljanje otpada	3
Široki Brijeg dobio 200.000 KM za unapređenje energetske efikasnosti	3
Delegacija rukometnog saveza BiH posjetila Tešanj i Doboj Jug	4
Ključ dobio 45 kontejnera za uspostavu 15 eko otoka	4
Uručeni certifikati učesnicima obuke iz gradskih općina Sarajeva	5
Lukavac dobio stanicu za mjerenje kvalitete zraka	5
Proširenje vodospremnika i zamjena azbestno-cementnih cijevi u općini Doboj Jug	5
NAJAVA Konferencije predsjedavajućih i sekretara općinskih / gradskih vijeća	6
NAJAVA obilježavanja dana općina za mjesec decembar	6

Bilten Saveza općina i gradova Federacije Bosne i Hercegovine

ODRŽANA TREĆA GODIŠNJA KONFERENCIJA SISTEMA OBUKE ZA JEDINICE LOKALNE SAMOUPRAVE

U organizaciji Federalnog ministarstva pravde i Ministarstva uprave i lokalne samouprave Republike Srpske u Mostaru je, 2. decembra/prosinca održana Treća godišnja konferencija sistema obuke za jedinice lokalne samouprave u Bosni i Hercegovini.

Cilj konferencije je predstavljanje napretka u provođenju programa obuke za zaposlene, izabrane zvaničnike (vijećnike i načelnike) u općinskim i gradskim upravama u 2014. godini, kao i razmjena iskustava sa predstavnicima agencija i institucija koje se bave pružanjem obuke u susjednim državama, a u oblastima analize potreba za obukom, mjerenja učinka obuke i ocjenjivanja zaposlenih i stručnog usavršavanja.

Nosioci sistema obuke u Federaciji Bosne i Hercegovine, kojeg finansijski podržava Švedska razvojna agencija – Sida, su Savez općina i gradova Federacije BiH koji vrši obuke za izabrane zvaničnike i Agencija za državnu službu FBiH koji vrši obuke za namještenike i državne službenike. Na početku konferencije, direktorica Saveza općina i gradova FBiH, **Vesna Travljanin** istakla je kako: „sistem obuke, od kada je započeo sa svojom provedbom, a to je bilo usvajanjem entitetskih strategija obuke za jedinice lokalne samouprave, bilježi konstantne uspjehe. Institucije koje provode obuku, nesumnjivom rade marljiv posao, to su pokazali rezultati sa prošlogodišnje konferencije, a vjerujem, da će i danas prikazani rezultati biti hvale vrijedni.“

„Savez je u periodu od usvajanja Strategije obuke za jedinice lokalne samouprave u FBiH održao oko 50 obuka, koje je do sada je prošlo više od 700 učesnika“, naglasila je direktorica Travljanin. Govoreći o problemima u radu lokalne samouprave, direktorica Travljanin je navela da su općine lišene sredstava koja su im potrebna za njihove nadležnosti, a to je kada dođe do potrebe finansiranja, odnosno podrške viših nivoa vlasti, razumijevanje izostane.

Gordana Zoretić iz Ministarstva uprave Hrvatske rekla je da je u Hrvatskoj na snazi Strategija razvoja javne uprave, što uključuje cijeli javni sektor državne službe i lokalne samouprave.

"Kod nas je lokalna samouprava dosta samostalna. Ministarstvo je dijelom zaduženo za lokalnu samoupravu u smislu određivanja propisa i zakona. Sretni smo da na ovakvim događanjima postoji mogućnost saradnje i da možemo razmijeniti iskustva sa zemljama u regionu", rekla je Zoretićeva.

Gradonačelnik Mostara **Ljubo Bešlić** rekao je da konferencija predstavlja priliku da se nivo rada državnih službenika podigne na veći nivo.



kapaciteta lokalnih uprava.

Konferencija je održana pod pokroviteljstvom Švedske razvojna agencija - Sida.



"Da bismo se izgradili, privukli strane investicije, potrebna je uzorna, kompetentna, autonomna i stručna administracija. Samo ona javna uprava koja će biti odgovorna prema građanima i prema vlasti može biti temelj funkcionisanja moderne države, efikasne lokalne samouprave", istakao je Bešlić.

Na Trećoj godišnjoj konferenciji sistema obuke za jedinice lokalne samouprave u BiH učestvuju načelnici i gradonačelnici općina i gradova u BiH, predstavnici institucija, kao i gosti iz institucija u regionu koje pružaju podršku razvoju i izgradnji

FEDERALNO MINISTARSTVO RAZVOJA OBJAVILO POTENCIJALNU RANG LISTU
KORISNIKA GRANT SCHEME 'UNAPREĐENJE PODUZETNIČKIH ZONA U FBiH'

SARAJEVO, 4. decembar/prosinac – Federalno ministarstvo razvoja, poduzetništva i obrta objavilo je jučer na svojoj web stranici potencijalnu rang listu korisnika grant sheme "Unapređenje poduzetničkih zona u Federaciji BiH", na osnovu javnog konkursa raspisanog 1. oktobra/listopada ove godine. Na listi je 12 jedinica lokalne samouprave: Cazin, Kreševo, Livno, Maglaj, Odžak, Sanski

Most, Stolac, Široki Brijeg, Tešanj, Usora, Zavidovići, i Zenica.

Kako je navedeno u javnom pozivu, sredstva iz grant sheme mogu se koristiti za izgradnju nove i unapređenje postojeće infrastrukture poduzetničkih zona u Federaciji BiH.

Finansijski doprinos grant sheme po pojedinačnom projektu ne može biti niži od 75.000 KM niti viši od 150.000 KM.

Sufinansiranje od jedinice lokalne samouprave koja se prijavila za finansijska sredstva iz grant sheme je minimalno 20 posto ukupne vrijednosti traženog iznosa od grant sheme i ne manje od 15.000 KM.

Ukupno trajanje projekta ne može prelaziti devet mjeseci od početka njegove realizacije, a realizacija projekta treba biti okončana do kraja septembra/rujna 2015. godine.

Podnosioci prijava čiji nazivi nisu objavljeni u predloženoj rang listi korisnika grant sredstava mogu uložiti prigovor u roku od osam dana.

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

POTPISAN SPORAZUM O SARADNJI GRADA MOSTARA I DANSKE KOMUNE VEJLE

MOSTAR, 3. decembar/prosinac – Gradonačelnik danske komune Vejle Arne Sigtenbjerggaard i mostarski gradonačelnik Ljubo Bešlić potpisali su danas u Gradskoj vijećnici Sporazum o saradnji, koji ima za cilj jačanje kulturnih i ekonomskih odnosa između dva grada, navodi se na gradskoj web stranici.

Prema riječima gradonačelnika Sigtenbjerggaarda, nakon višegodišnje saradnje Vejle i Mostara, potpisan je Ugovor koji je obećavajući za obje zajednice.



„Mi smo otvoreni za sve vidove saradnje, od turizma, preko kulture, do ekonomije. Jako su nam zanimljivi projekti iz oblasti zelene energije, zaštite okoliša i slično“, dodao je Sigtenbjerggaard. U njegovoj pratnji doputovala je i grupa danskkih privrednika, a po riječima Ljube Bešlića, za Mostar je upravo segment ekonomije najzanimljiviji dio potpisanog sporazuma.

„Privrednici Mostara i privrednici Vejle danas će održati sastanak i vjerujem da će od toga imati koristi i građani Mostara i građani Vejle. U ovom trenutku, razgovaramo o otkupu poljoprivrednih proizvoda, kako bi naši proizvođači zdrave hrane, preko privrednika Vejle, lakše došli do zapadnoevropskog tržišta“, kazao je gradonačelnik Bešlić.

Dodao je kako će do 30. juna/lipnja iduće godine biti usaglašen program saradnje Mostara i Vejle, koji će obavezati obje strane da sporazum zaživi i rezultira konkretnim projektima.

Nakon potpisivanja Sporazuma, u Vijećnici je upriličen susret privrednika iz Mostara i Hercegovine sa privrednicima iz Vejle.

Predstavnici firme Good food upriličili su prezentaciju svojih aktivnosti i potencijala te iskazali interes da se sagleda mogućnost poslovne saradnje s proizvođačima voća iz Mostara i Hercegovine.

Potom su svoje privredne aktivnosti i mogućnosti kada je u pitanju proizvodnja i prerada voća predstavili Redah, Jaffa Komerc iz Mostara, predstavnici udruženja poljoprivrednih proizvođača Brusnica iz Konjica i Eko life iz Stoca.



KAKANJ UVEO SELEKTIVNO PRIKUPLJANJE OTPADA

KAKANJ, 20. novembar/studeni – U okviru realizacije projekta „Integralno upravljanje komunalnim otpadom na području Kaknja“ danas i sutra bit će postavljeni namjenski kontejneri za selektivno prikupljanje otpada i to na nekoliko lokacija u gradu. Danas će biti izvršeno montiranje namjenskih kontejnera na dvije lokacije i to kod Policijske stanice i Doma zdravlja, a završetak radova i postavljanje na drugim lokacijama očekuje se tokom sutrašnjeg dana.

Pražnjenje posuda vršit će se svakodnevno, a otpad će se prevoziti do gradske deponije gdje će se vršiti daljnja obrada.

U selektivno prikupljanje otpada JP „Vodokom“

Kakanj je već uključilo nekoliko škola na području Kaknja, gdje učenici svojim primjerima nama odraslima pokazuju kako se postupa sa otpadom.

Montiranjem namjenskih kontejnera građani će dobiti priliku da pokažu svoju ekološku savjest i svijest o potrebi da se otpad selektuje na samom izvoru nastanka.

Općina Kakanj je odlučna u namjeri da osigura visok nivo komunalne higijene na području cijele općine.

Realizacijom projekta „Integralno upravljanje komunalnim otpadom na području Kaknja“ planirano je da se organizirano odvoženje otpada proširi na novih 11 mjesnih zajednica, uz 19 mjesnih zajednica u kojima već postoji organizirani odvoz smeća. Tako će se postojeći sistem prikupljanja otpada, koji pokriva 48 % stanovnika Kaknja, proširiti, te će pokrivati 85 % od ukupnog broja stanovnika.

Planirano je da se narednih godina još povećava opseg odvoza otpada i da u konačnici obuhvati svih 37 kakanjskih mjesnih zajednica.

U cilju realizacije ovog projekta Općina Kakanj finansira i nabavku novih kamiona za odvoz smeća, a isporuka ovih vozničkih jedinica se očekuje uskoro. Nabavka novih vozničkih jedinica će omogućiti realizaciju ideje o proširenju obima organiziranog odvoza otpada.

Zamisao je da se smeće sa područja cijele općine Kakanj dovozi do gradske deponije gdje bi se vršile pripreme za reciklažu čime bi lokalna zajednica ostvarivala određenu dobit, nakon čega bi slijedio odvoz neiskoristivog dijela do regionalne deponije Mošćanica ili zbrinjavanje na drugi adekvatan način.



Kontejneri za selektivno
prikupljanje otpada

ŠIROKI BRIJEG DOBIO 200.000 KM ZA UNAPREĐENJE ENERGETSKE EFIKASNOSTI

Premijer Vlade Zapadno-hercegovačke županije Zdenko Čosić i Zahira Virani, zamjenica rezidentnog predstavnika UNDP-a u BiH potpisali su sporazum o sufinanciranju niza aktivnosti za unapređenje upravljanja energijom ukupne vrijednosti 200.000 KM.

„Ovdje u Zapadnohercegovačkoj županiji ćemo prvo uraditi studiju o zatečenom stanju, odnosno studiju o potrošnji energije u 54 javne zgrade u kojima se nalazi 81 institucija. Od tog ukupnog broja, odabrati ćemo 15 najkvalificiranijih zgrada nakon čega će u njima biti napravljena revizija potrošnje energije te će se raditi na mjerama energetske učinkovitosti“, objasnila je Virani, dodajući kako je ovo jedno pravo partnerstvo, jer su u ovom projektu zastupljena sredstva UNDP-a, federalnog Fonda za zaštitu okoliša te same županije.

„U sklopu akcijskog plana koji smo potpisali, odnosno u sklopu strategije razvoja naše županije koju smo napravili u suradnji s UNDP-om, radimo jednu studiju snimanja energetskog stanja svih javnih objekata, a u dogovoru s njima, mi ćemo, nadam se, iduće godine realizirati kroz naš plan još dodatne četiri zgrade, a u sklopu tog akcijskog plana predviđeno je provođenje istog na Prvoj osnovnoj školi u Širokom Brijegu“, kazao je tijekom potpisivanja Zdenko Čosić, premijer Vlade ZHŽ.

On je dodao kako to znači da će u dogledno vrijeme na području županije biti završena studija, odnosno, snimka energetskog stanja objekata.





DELEGACIJA RUKOMETNOG SAVEZA BIH POSJETILA TEŠANJ I DOBOJ JUG

Član Izvršnog odbora Rukometnog Saveza BiH Hamid Bahto, Fuad Lipa uposlenik Saveza, Jasmin Mrkonja selektor rukometne juniorske selekcije BiH i Enid Tahirović bivši reprezentativni golman boravili su u Tešnju i u Doboj Jugu. Cilj posjete je organizacija mini petodnevni priprema juniorske rukometne reprezentacije BiH tokom februara iduće godine, a koju čekaju kvalifikacije za odlazak na Svjetsko prvenstvo. Pripreme bi se održale pod pokroviteljstvom ovih općina.

O stanju u juniorskoj selekciji prvim ljudima ovih općina govorio je selektor Jasmin Mrkonja kazavši da ona izrasta u vrlo respektabilnu ekipu, u rasadnik talenata bh rukometa od koje se očekuje mnogo. Šta više, državni selektor Dragan Marković je pozvao jednog juniora na pripreme za predstojeći odlazak naših najboljih rukometaša A-selekcije u Katar na Svjetsko prvenstvo.

Delegacija rukometnog saveza je obišla sportske terene, dvoranu u Tešnju i školsku sportsku dvoranu u Doboj Jugu i kod ovih općina našla na podršku i razumijevanje.

Načelnica Općine Doboj Jug Jasminka Begić je zaželjela našoj A selekciji mnogo uspjeha na predstojećem Svjetskom prvenstvu, a mladima poručila da nastave njihovim stazama, jer je bh rukometna reprezentacija sa bh fanatikosima pronijela slavu zemlje diljem svijeta.



Susret sa načelnicom Općine Doboj Jug

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

KLJUČ DOBIO 45 KONTEJNERA ZA USPOSTAVU 15 EKO OTOKA

Javnom komunalnom poduzeću 'Rad' u Ključu 19. novembra/studenog je isporučeno 45 kontejnera za selektivno odlaganje ambalažnog otpada i kombi vozilo za prikupljanje otpada. Riječ je o modernim zatvorenim kontejnerima, usklađenim sa evropskim standardima, za čiju je nabavku utrošeno više od 40.000 KM, a zahvaljujući kojima će u toj općini biti uspostavljeno novih 15 eko-otoka.

Sa postojećim zelenim otocima, koji će biti prilagođeni novim, biće ih ukupno 26.

„Ovim će naše komunalno poduzeće biti spremno za izdvajanje svih ambalažnih otpada. Postavljanje novih eko otoka bit će završeno u narednoj sedmici u urbanom dijelu grada, stambenim četvrtima, dok ćemo za udaljenija naselja i zaseoke građanima podijeliti vrećice u koje će odlagati korisni otpad“, kazala je direktorica JKP 'Rad' Sanela Draganović.


Načelnik Općine Ključ, Nedžad Zukanović rekao je da sve to neće biti moguće uspješno realizovati bez saradnje građana, koji ubuduće treba da savjesno odlažu ambalažni otpad u za to predviđene kontejnere.

Nabavka ovih kontejnera izvršena je prema ranije potpisanom ugovoru sa firmom "Ekopak" iz Sarajeva. Uspostava eko otoka vrši se u okviru projekta uspostave sistema odvojenog prikupljanja i recikliranja ambalažnog otpada. U taj projekt uključila se i Općina Ključ, koja učestvuje u njegovom finansiranju.

U toku je i uređenje prostora sortirnice, kojeg je Općinsko vijeće dodijelilo JKP 'Rad'.

Primopredaji u Ključu prisustvovala su i federalna ministrica okoliša i turizma Branka Đurić, ministrica za građenje, prostorno uređenje i zaštitu okoliša Unsko-sanskog kantona Sinha Kurbegović i direktorica Ekopaka Amela Hrbat.

„Ovo je nastavak uspješne međusobne saradnje, s obzirom na to da se Ključ uključio u red općina, koje su uspostavile saradnju sa firmom "Ekopak" i jačaju segment zaštite okoliša, a pogotovo upravljanja otpadom, kao sve moderne evropske lokalne zajednice“, istakla je Hrbat.



Grb Općine Ključ



URUČENI CERTIFIKATI UČESNICIMA OBUKE IZ GRADSKIH OPĆINA SARAJEVA



Povodom završetka prve faze projekta "Podrška odjeljenjima za razvoj u gradskim općinama i Gradu Sarajevu" i obuke koju su od 20. do 31. oktobra 2014. godine prošli državni službenici navedenih jedinica lokalne samouprave upriličena je 20. novembra 2014. godine u velikoj sali Gradskog vijeća Sarajeva dodjela certifikata učesnicima edukacije, navodi se na web stranici Općine Centar Sarajevo.

Tom prilikom je uručena računarska oprema koju je učesnicima projekta donirala Češka. Navedeni projekt realizira se u okviru

programa pomoći koju Češka Republika, putem Češke razvojne agencije, pruža zemljama u razvoju. Cilj projekta je osposobljavanje općinskih i gradskih kadrova za povlačenje sredstava iz evropskih i drugih fondova.

Uručenju certifikata i računarske opreme, u ime Općine Centar, prisustvovali su načelnik Dževad Bećirević, te savjetnici načelnika koji su prošli prvu fazu obuke Tarik Hadžiomerović i Muamer Hodžić.

Načelnik Bećirević je kazao da je za lokalne zajednice jako korisno što će nam prijatelji iz Češke prenijeti svoja iskustva.

„Drago nam je što će se nakon završenog projekta, odnosno obuke, uposlenici Općine Centar moći baviti projektima sa kojima ćemo aplicirati prema IPA i drugim fondovima“, istakao je Bećirević. Prema riječima Tarika Hadžiomerovića, po završetku obuke tim uposlenika Općine Centar bit će spreman za izradu projekata.

„Projekte ćemo implementirati na području Centra, a sve u korist stanovnika naše općine“, naglasio je Hadžiomerović.

LUKAVAC DOBIO STANICU ZA MJERENJE KVALITETA ZRAKA

U Lukavcu je 19. novembra/studenog u rad puštena mjerna stanica koja prati kvalitet zraka. Projekat je realizovalo Ministarstvo prostornog uređenja i zaštite okoliša Tuzlanskog kantona, na zahtjev građana Lukavca. U narednom periodu, po uzoru na Tuzlu i u ovoj općini će biti postavljen displej koji će pokazivati meteorološke i podatke o kvalitetu zraka.

Nabavku mjerne stanice za praćenje kvaliteta zraka finansiralo je resorno ministarstvo, dok će Općina snositi troškove nabavke displeja na kome bi se prikazivali aktuelni meteorološki i podaci o kvaliteti zraka, kao što su brzina vjetra, vlažnost i temperatura zraka, atmosferski pritisak, te podaci o sumpornom i azotnom dioksidu, ugljen monoksidu, prizemnom ozonu i čvrstim česticama, prenosi eKapija.



Stanica za mjerenje kvaliteta zraka

PROŠIRENJE VODOSPREMNIKA I ZAMJENA ASBESTNO-CEMENTNIH CIJEVI U SISTEMU VODOSNABDJEVANJA OPĆINE DOBOJ JUG

Konzorcij firmi „Bujice“ d.d. Konjic i JKP „VIS“ Doboj Jug konačno je otpočelo sa realizacijom projekta na proširenju vodospremnika 1. (Prvi rezervoar u Matuzićima) i na zamjeni azbestno-cementnih cijevi koje su u upotrebi više od 30 godina, a koje se zbog zdravstvenih razloga (imaju karcinogene supstance) izbacuju iz upotrebe. Ukupna vrijednost ovog projekta je 418.831,71 KM. Učešće resornog kantonalnog ministarstva je oko 180.000 maraka, sredstva iz kredita EIB-a 151.081,71 KM, te sredstva u visini od 87.750,00 KM iz Fonda za poticaj lokalnog razvoja u okviru Projekta ILDP koji predstavlja zajedničku inicijativu Razvojnog programa ujedinjenih nacija (UNDP), Vlade Švicarske i Općine Doboj Jug. Rok za završetak ove složene investicije je šest mjeseci od uvođenja izvođača radova u posao.

Na ovu temu, a u cilju promocije projekta ILDP sredinom decembra će se u Općini Doboj Jug održati petodnevna manifestacija Dani otvorenih vrata na temu „Svaka kap vode je važna“.



Doboj Jug - Počeli radovi na zamjeni azbestno-cementnih cijevi



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Savez općina i gradova Federacije Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA KONFERENCIJE PREDSEDavajućih I SEKRETARA OPĆINSKIH / GRADSKIH VIJEĆA U FEDERACIJI BOSNE I HERCEGOVINE

Savez općina i gradova Federacije Bosne i Hercegovine u saradnji sa Misijom OSCE-a u Bosni i Hercegovini organizira godišnju konferenciju predsjedavajućih i sekretara općinskih / gradskih vijeća u Federaciji Bosne i Hercegovine.

Konferencija će se održati 9. decembra/prosinca 2014. godine u Sarajevu, u Hotelu „Sarajevo“, ulica Džemala Bijedića 169 A sa početkom u 10 sati.

Cilj konferencije je unaprijeđenje saradnje Saveza sa općinskim/gradskim vijećima, kao i osnaživanje međuopćinske i međuinstitucionalne saradnje u Bosni i Hercegovini.

Na ovom skupu će se razmatrati položaj i uloga jedinica lokalne samouprave u Federaciji BiH, prezentirati mogućnosti zagovaranja i lobiranja za interese istih, promovirati dobre prakse u radu općinskih/gradskih vijeća, te ukazati na potrebu intenzivnije razmjene znanja i iskustava među lokalnim zajednicama u BiH.

Ovu konferenciju Savez općina i gradova FBiH priprema u sklopu projekta AMCS - Podrška Savezima općina i gradova BiH. Cilj samog projekta je jačanje Saveza u zastupanju i lobiranju interesa jedinica lokalne uprave. Podršku ovom projektu pruža Misija OSCE-a u BiH.



NAJAVA OBILJEŽAVANJA DANA OPĆINA ZA MJESEC DECEMBAR / PROSINAC

- 10. decembar/prosinac - Dan Općine Tešanj.** To je dan sjećanja na vakufnamu Gazi Ferhad-bega kojom je 1559. godine utemeljen Tešanj.
- 16. decembar/prosinac - Dan Općine Novi Grad Sarajevo.** Dan kada je donošenjem Zakona obrazovana Općina Novi Grad Sarajevo.



Novi Grad Sarajevo



Tešanj